

明代傳記叢刊・學林類①⑥
周駿富輯

皇明三元考

十四卷

(明)張弘道
(明)張凝道
同輯

明文書局印行

皇明三元考序

戴縑垂纓而號英傑者古今來
世某需之厥責綦鉅且重矣重
而輕試之必蹶鉅而縑應之必
仆是故有全荷之局焉有難了

W77119

之局焉有未竟之局焉此匪士
之責誰責也乃至樹瓌望標赤
志而萬目章章爭注于一的則
俗所稱試三場褻然爲舉首者
是而夫夫固千人之英萬人之

傑也要以名雪煜矣而實不足
以副華掇第崇矣巍矣而魚魚
鹿鹿蔑尺勲寸庸之表建高第
祇爲霄隆梯彼三元可欣耶可
懼和予竊謂可欣者僅一朝之

偶選而可懼者且垂諸百千禩
而靡有旣矣晉陵張成孺氏攷
昭代三元薈萃成裘庸詎以可
欣者艷士而將以可懼者興士
歟斯籍所紀已氏之軌躅鏡懸

矣是故執鏡而照論其德之貞
淫弗論其顯晦之階爲予奪論
其能之敏鈍弗論其升沈之位
爲低昂蓋望愈隆而峻責之者
愈博夫奚而得不懼而第以偶

選一朝者炫熿于俗遽穉驕餘
子而愉快乎王仲任有言噐空
無實饑者不顧胸虛無懷朝廷
不御若令白望素飽載高陟華
足未嘗行堯禹問曲折口未嘗

見孔孟問形象而沾沾圖喫著
一生朝家安用設大科網士首
拔此儒梟狙學爲嗟夫斯籍具
存按名稽實萬目羣而矚之曰
某也若而品則心儀之而嘖嘖

美之某也若而品則心夷之而
咄咄啐之此妍彼醜已氏之軌
躅足槩矣毋亦惟是景鑠于三
立塞其所爲鉅望而峻責者褒
然居天下第一流罄大力負之

而趨不亦懿乎予是以流覽斯
籍深冀幸後來之秀嗣登而駕
軼英傑者

賜進士及第翰林院修撰儒林

郎直

起居注纂修 國史

東宮日講官瑯琊焦竑撰



皇明三元考卷之一

晉陵 元嶽張弘道成孺甫

修菴張凝道明孺甫

全輯

洪武三年庚戌科鄉試解元

是年五月 詔京師及各行省鄉試選五百名
為率直隸府州縣貢額百名河南山東山西
陝西北平福建江西浙江湖廣各四十名廣
東廣西各二十五名若人才多處或不及者
不拘額數

應天

主考官御史中丞劉基治書侍御史秦裕伯同
考官翰林院侍讀學士詹同弘文館學士
稼起居注樂韶鳳尚寶司丞吳潛國史編修
宋濂而濂爲序

就試者一百二十三人中式者七十二人未及
會試悉授官有爲監察御史者

浙江何文信

上虞人字孟誠治春秋辛亥進士授
南樂縣丞歷福建參政居官清白惠

澤洽民

江西吳伯宗

金谿人名祐以字行治書生而岐嶷
十歲通舉子業識者奇之曰王光劍

氣終不可掩辛亥狀元及第授禮部員外郎
性剛直不屈忤胡惟庸坐謫未幾召還累遷
國子監司業兼武英殿大學士不預閭務尋
降檢討所著有南宮集使文集成均玉堂諸

蒙

父儀元鄉貢進

士弟仲宴三河知縣

福建李

昇

福清人字仲高治春秋辛亥進士授
新泰縣丞

湖廣

河南孫

卓

榮澤人辛亥進士

山東

北平

山西仇

敬

曲沃人字仲立治書辛亥進士授兵
部主事歷鞏昌知府
子麟歲貢

茶馬司大使

是楊澤州茹大素官戶部尚書

陝西爾朱欽

富平人字敬伯治書辛亥進士授蒲圻縣丞

廣東

廣西

附試廣東

洪武四年辛亥科大魁

除應天中式士悉授官外其十一行中書省及高麗國會試士一百八十九人取一百廿名

考試官

主文官禮部尚書陶凱前翰林院侍讀學士潘廷堅同考官侍讀學士詹同國

子監司業宋濂吏部員外原本前貢士鮑恂已後止書主試官同考官不書

廷試官

總提調右丞相汪廣洋左丞相胡惟庸讀卷官祭酒魏觀太常博士孫吳給事